

# GALATA

Galata i mâreŋ zâŋe. Mâreŋ i Asia mâreŋ masune irec dâkâne moc. Paulo e miti kiŋaŋ rame jajahec ewec dameŋ ira raku mâreŋ ira fisiwec. Eme ira huc zâic ecne-bipiehame sifu qajacnerâ miti gie bawec. Bame fârînehec ewec. Ŋic jage miti-ticne manarâ manjeŋic bârisierâ hata ranqane i râpeckembiŋ. Erâ mitire bubiaŋ manarâ Paulo huc zâic-ticnere ehâmocnembiŋ. Ŋuc juhapie Paulo e beheç-joparâ Airopa mâreŋko rawec. Erâ ira gie bahuc juku Jerusalem hao risiewec. Eme zâhec miti kiŋaŋ mocwâc rahuc Galata ŋic jaŋerao fisirâ iqic-jopawec. Erâ miti sâcne bajuhapie honec-joparâ irecneç Efeso hao rawec. Ira juhame Jerusalem haoonec Judaŋic opâ ruac jaŋe Galata ŋic jaŋerao fisirâ ziŋuc jazambiŋ: Ŋoge miti huŋtuc bajuengopieŋ. Paulo e Jesure miti sawa qazu-ŋarewec. Eme i sawa bajupie mi sâckekac. Mosere sâcmutâc dâŋ fokac, i qazu-ŋarepene manarâ mâmâc reŋkenze-pieŋ. Erâ irec ma sahaç-ŋeŋicko baple fuazejeç. Ŋuc muhuc jazapie ŋic gâcne janere maŋ mi sifuckezejeç i. Eme Judaŋic jaŋere hombaŋ burecne i fuŋkerâ ŋembiŋ (Galata 4:10). Ehuc Paulore manapie wawahane ewec.

Eme Paulo e Efeso hao juhuc irec biŋe manarâ fâfârewec. Fâfârerâ ziŋuc muwec: Galata ŋic jaŋe Jesure bâjâpec jumbiŋzi Judaŋic jaŋere bâjâpec enggopieŋ. Ŋuc manarâ izia papia qâreŋkerâ râeme rawec. Dâŋ jajahec qâreŋke-jarewec. Qanaŋ e jahacnere ziŋuc qâreŋkewec: No gie baekopac, i ŋiczi mâcne, Wofuŋ e jahac munarewec, â miti muekopac, i ŋuc jaha ŋiczi naza qazuc mi embiŋ, Wofuŋ e jahac mufua-narewec. Ehuc Petoro aposolo gie-ticne baha bafickeme fârînehec ewec, ŋuc jaha no baficnume bape fârînehec jaha wâc ewec. Dâŋ i â gâcne i gaŋ 1 â 2 ira qâreŋkewec. Erâ dâŋ birine moc ine kecziŋuc muhuc qâreŋkewec: Jesu manasiŋkehuc juju sanaŋ hotâckezo. Jesu e nâŋâcnere erâ sâwec hotâckewec, ehuc sâcmutâc dâŋko sâwec i bâsue-nârewec. Sâcmutâc dâŋ reŋkehuc kiŋ tâmiric eene mi fokac. Mârore hata âtembiŋzi wemocte wiac jawanere hatao mocwâc ranggopieŋ. Paulo e Galata ŋic jaŋere buziâc manahuc dâŋ i â gâcne gâcne qâreŋke-jarewec. Jaŋe miti fârîne jâmbâŋ beherâ Judaŋic jaŋere dâŋ jawane reŋkezo mumbiŋ, irec maname busâqocheç ewec. Jesu manasiŋkehuc bibiaŋke mocjaha fokac, dâŋ irec fuŋne hâcne Paulozi Roma haoonec miti mamana jaŋe wâc qâreŋke-jarewec.

Papia magnaoc dâŋ nenggoçne jahec â moc râehuc dâŋne murakicne i kecziŋuc:

**Gaŋ 1-2.** Paulozi miti gie bahuc juwec i ŋiczi mâcne, Wofuŋ e jahac mutâcneç-neme bahuc juwec. Ireç dâŋticne i ŋicdâŋ aricne, i Wofuŋdâŋ.

**Gaŋ 3-4.** Sâcmutâc dâŋte hata â mamanasinçte hata ââte ireç fuŋne.

**Gaŋ 5-6.** Jesu e niggiŋkonec batarac-nâpowecte e manasiŋkehuc juju sanaŋ hotâckezo.

## Mumuzâwe â jambuŋdâŋ

**1** Paulo no aposolo, ŋiczi mi sorecnumbiŋ â ŋic moczi gie wâc mi munarewec, Jesu Kristo â Anutu Mamac e hâmockonec bâqârewecz i gie i munarewec. <sup>2</sup>No â âgo gâcne nohec juŋgopieŋ nâŋe kikefuŋ Galatia

mârenko jurangopien ñe papia zi rãe-ñarengopenen. <sup>3</sup>Anutu Mamac â Wofun-ñañec Jesu Kristo eraonec aki anonoc â wama ñogerao fotâcnerâ fozejec. <sup>4</sup>Jesu e Mamac-ñañec Anutu ere miete juju sâqocne zi juengopenekonec bâhoc-nâpoocte sindan-ñañecte erâ sahac-ticne qaisockewec. <sup>5</sup>Irec erao mumutenzi mumuten fohuc juzejec. Jâmbomac.

**Moc e Biñebian âke sipuhuc moc muocmu e hârâte biñe eocmu**

<sup>6</sup>Ñe Kristore aki anonocko rãec-ñopahuc hefãrec-ñopawec ehac jupie mi zoraha e râpeckehuc miti funmoc irec hazec rârãe engopien, no irec wareckekopac. <sup>7</sup>Erâ Biñebian funmoc wena fokac? I aricne i. Mâc ñic tucnezi mañ bâsifuc enarehuc Kristore Biñebian âke sipuengopien, i sawa fokac. <sup>8</sup>Irec nãñe wãc, me sambãñkonec aňelo moczi, Biñebian ñazakicne i âke sipuhuc moc ñazanangmuo, ñucnezi hârâte biñe ezejec. <sup>9</sup>Dãn mârãc mumben ijaha zi wãc mukopac: Moczi Biñebian qazu-ñarekicne i âke sipuhuc moc ñazaocmu e hârâte biñe ezejec. <sup>10</sup>Eme weniguc, dãn zi mukopac i ñiczi honecnupie biãñkeocte me Anutuzi honecnume biãñkeocte mukopac? No ñic dape-jarehuc gie bazapo muzac, wemocko Kristore kiñan qaqã juzapo.

**Paulo e jahacne juju bapare dãn**

<sup>11</sup>Âgofãc-nane, no dãn ñazape mananiñ: Biñebian ñazapo i ñickonec mãcne, <sup>12</sup>erâ wãc ñiczi mi naza qazuc embiñ, i Jesu Kristo e jahac mufua-narewec. <sup>13</sup>No mârãc jaha Judaniñ jañere guruo juhuc wiac epo, i ñeñe manaengopien. No Anutuzi kikefunfãc jopã jãpec ejarehuc mãretac sipiric-jopapo. <sup>14</sup>Ehuc kãcñenefãc-nãñec jañere dãn mi wahazejec muhuc samac qamandiñkerã motec âgofãc-nane siric-jopapo. <sup>15</sup>Eme Anutu e qanañ neñgoc bumãñko hone wosãecnurã uruc jaun-ticnere erâ hefãrec-nuweczi maname sãckeme <sup>16</sup>Ñokã-ticnere biñedãn qãpuc jañerao musawepere ere fune bataniñke-narewec. ñuc enareme sahac biuchec jañe mu wioc mi ejarepo, <sup>17</sup>erâ wãc Jerusalem hao mi ferã aposolo funkerã juwarembiñ jañe mi iqic-jopapo. Aricne, no Arabia mãrenko ra juku Damasko hao risiepo.

**Paulozi Jerusalem hao ferã juwec**

<sup>18</sup>Juhape jara 3 tarama Kefa honepemurã Jerusalem hao ferã 3oan gie bapa 15 ehac jupo. <sup>19</sup>Aposolo gãcne mi honec-jopapo, Wofun qaticne Jakobo e sawa honepo wãc. <sup>20</sup>Dãn qãrenkekopac i Anutuzi maio jãmbomac muhuc qãrenkekopac. <sup>21</sup>Ñuc erâ Siria â Kilikia mãrenko ra jupo. <sup>22</sup>Â Judaia mãrenko Kristore kikefun jañe ine mi honecnumbiñ. <sup>23</sup>Jañe nore biñedãn ziguc sawa manambiñ: "Nãpo jãpec enãrehuc miti ima qaocte muweczi ñic miti i hãcne jazahuc juekac." <sup>24</sup>Ñuc muhuc nore erâ Anutu mutenjkembiñ.

1:3 Rom 1:7 1:4 Gal 2:20; Tim I, 2:6; Tit 3:14; Joh I, 5:19 1:7 Apo 15:1, 24 1:8 Kor I, 16:22  
 1:10 Tes I, 2:4 1:13 Apo 26:4-20 1:14 Apo 22:3 1:15 Rom 1:1; Jer 1:5; Jes 49:1  
 1:16 Gal 2:7; Mat 16:17 1:18 Apo 9:26 1:19 Mat 13:55 1:21 Apo 9:30

## Paulozi Jerusalem hao aposolo gâcne iqic-jopawec

**2** Ehame jara 14 tarama Jerusalem hao mocwâc fepemurâ Banaba â Tito rocjofape māmâc fembenj. <sup>2</sup>Erâ i mât mi epo, Wofunzi dân mufua-narehuc bufahac qanareme fepo. Ferâ qâpuc jaŋerao Bigebianj musaweekopac i mutaniŋke-jarepo. Micne zâŋe bigehec jaŋe bucko wâc ejarekicne, jaŋe hâcne manapie mi sâckeme gie manggân bawefuhuc jupo iguc ezacte. <sup>3</sup>Jupe juju-nane Tito e Griŋgizi opâ ruakicne juwec, eme e wâc sahaçnao mahec eocte mi mucnembij. <sup>4</sup>Eme nâŋere giemaŋko mitiŋic burecnezi razirâ, nâŋe Kristo Jesure erâ rambaŋ juhapene rucko honetâc-nâporâ Mosere kiŋaŋ qaqa bacnâpozo muenggopienj, <sup>5</sup>ŋic izi hâcne bawahac-nâpozo mupie nâŋe Bigebianzi ŋoŋerao bâbâsifucnehec ezacte moc mi docke-jarembenj.

## Aposolo gâcne jaŋe Paulo gie-ticnere manapie sâckewec

<sup>6</sup>Eme ŋic micne jaŋe mârâc jaha iguc me iguc jumbij, no irec manape hawarine moc mi eekac, Anutuzi iguc jaha sahackopec honec-nâpome bârâwiŋ mi eekac. Ŋic micne jaŋe hâcne dân furune mi zuhucke-narembij. <sup>7</sup>Aricne, ziŋuc ine manambij: Anutuzi Petoŋ ŋic mahec jaŋerao Bigebianj muigneocte mucnewec, iguc jaha no ŋic ma tâmiric jaŋerao muigneperere munarewec. <sup>8</sup>Ehuc Petoŋ aposolo gie-ticne baha bafickeme fârinehec ewec, iguc jaha no baficnume bape fârinehec jaha wâc ewec. <sup>9</sup>Eme Wofun e gie tahacke-narewec, i Jakobo, Kefa â Johane jaŋe Jesure kikefun guru jaŋere jâcne jumbijzi mana tararâ no â Banaba âgo bacnâfohuc menâhecko bambij, erâ nâhe qâpuc jaŋerao gie bahapere jaŋe jaŋac ŋic mahec jaŋerao baniŋte mumbij. <sup>10</sup>Erâ hapetacfâc-ŋeŋic ehâmo-jarenanŋe irec sawa nazambij. Eme no irec dân hâcne zoqac erâ muekopac.

## Petoŋzi wiac eme babahacnehec ewec

<sup>11</sup>Eme Kefazi Antiokia hao warerâ wiac babahacnehec eme honerâ maiqanzaŋ jaha âzâcnepo. <sup>12</sup>E qanaŋ qâpuczi opâ ruac jaŋeheç nânâ wirec nâwec. Ehame Jakobore ŋicfâc fisipie honec-joparâ mahec jaŋere hâwicke-me qâpuckonec opâ ruac bâtâc bajarerâ hone takirec-jopawec. <sup>13</sup>Erâ âkeac ehuc ra rowec ware rowec eme Judaniç gâcne bafickepie Banaba jaŋerao zuhuckerâ sâc ijaha ewec. <sup>14</sup>Eme Bigebianŋe hata fâreŋiŋ mi âtepie honec-joparâ ŋic gâcne jaŋere maio Kefa ziŋuc âzâcnepo: “Go Judaniçzi Judaniç nâŋâcne eebapao mâcne, qâpuc jaŋere eebapao eekic, izi wemocte qâpuc jaŋe Judaniç nâŋâcne eebapao eniŋte muekic?”

## Jesu manasiŋkehuc kiŋ tâmiric ezo

<sup>15</sup>Nâŋâc qâpuc kosa jujune jaŋe igucne mi fuambenj, Judaniç fuambenj. <sup>16</sup>Erâ ine ziŋuc manangopenenj: Ŋiczi sâcmutâc dân reŋkehuc kiŋfâsâc eene mi fokac. Eme Kristo e sâcmutâc dân rerenŋkere mâcne, mamanasij-

-nâjecte erâ kinfâsâc bâcnâpoocte, nânâc wâc Jesu Kristo manasingkeeng-gopeneg. Sâcmutâc dânte gie bahuc moczi moc kinfâsâc eene mi fokac. <sup>17</sup>Eme Kristorao qohotahuc kinfâsâc ezo muengopenegzi sifu sâqocne baengopenegko weniguc muzo? I Kristozi sâqocnere qafeg-nâpoekac me? Aricne, iguc mi fokac. <sup>18</sup>Â wiac duckepo i mocwâc heqârepemu, ine jâmbomac qaqatara gic epemu. <sup>19</sup>Â sâcmutâc dângzi nume hâmocnepo i Anutu jucnepemurâ epo. <sup>20</sup>No Kristohec mariponko nukicne. Eme zi juekopac i no nahacne mâcne, Kristozi manñaneo juekac. Sahachec juju i juekopac, erâ Anutu ñokâ-ticne manasingkehuc e sawa jucneekopac. Eki hâcne manjaug enarehuc juju-ticne nore due bawec. <sup>21</sup>No Anutu aki anonoc-ticne mi qâsuakopac. Sâcmutâc dâg regkehuc kinfâsâc eene fozacko Kristo e mangganko hâmowec ezac.

### Sâcmutâc dânte hata âtembing

**3** O Galata gic mutucne! ñoge mozi mañ bäsifuc egarewec? Jesu Kristo mariponko qakicne ere hawari ñaza gowatuc epe zâge fâri-gegiczi honembing i! <sup>2</sup>Wiac mocjahare wio-ñarepe nazaniñ: Mâro rombing i weniguc ehuc rombing? Sâcmutâc dâg regkehuc rombing, me miti manarâ mamana-sighec ehuc rombing? <sup>3</sup>Mañmutuc wemocte engopien? Mârore hata funkerâ âtembingzi juju rañqare hatao razingopien me? <sup>4</sup>Wiac fekiecne sâko i manggâg fua-ñarewec me? — jâmbomac fârimâc ewecko. <sup>5</sup>Mâro ñarehuc wiac tâpirihec ñogerao eekac, eki sâcmutâc dâg rereñte me mamanasig-gegicte egareekac me?

### Abrahamte hata âtezo

<sup>6</sup>Abraham e iguc hâcne ecnekicne. E Anutu manasingkeme kinfâsâc mucnewec. <sup>7</sup>Irec ziguc mananiñ: Mamanasinghec jañe Abrahamte qâricfâc fârine. <sup>8</sup>Ñic qâpuc jañe Anutu manasingkepie kinfâsâc bacjopaocmu, irec hâcne mârâc jaha manasuhuc Abrahamte Binebian dâg ziguc mume miti papiao qârengkembing: "Qâpuc guru jañe gore jambunko razî-fârenigmu." <sup>9</sup>Irec hâcne, Abrahamzi mamanasig hata âtewec ijaha âtenigmuzi ere jambunko razinigmu.

### Mamanasiñte erâ juju hotâckezo

<sup>10</sup>Â sâcmutâc dânte giezi fosig-jegic eha junigmu jañe ine sâwechec enigmu. Ziguc hâcne qârengkekicne fokac: "Sâcmutâc birio dâg forakac i moc mi qâsuazo. Moc e qâsuaocmuzi sâwec hotâckeocmu." <sup>11</sup>Sâcmutâc dânte mañnao juhuc Anuturao kinfâsâc eene mi fokac, i dâg zizi mujanggen-kekac: "Mamanasiñte erâ biankekicnezi juju hotâckeocmu." <sup>12</sup>Sâcmutâc dâgko ine mamanasigte moc mi mukicne. Ine ziguc mukicne: "Giene bafâreocmuzi juju hotâckeocmu."

## Jesu e nâñâcnere erâ sâwec hotâckewec

<sup>13</sup> Dâñqâreñ moc zîguc fokac: "Ŋic jâcko qetic-jopakicne jañe sâwecte biñe." Eme Kristo e nâñâcnere iguc hâcne erâ sâwec hotâckewec, ehuc sâcmutâc dâñte sâwec i bâsue-nârewec. <sup>14</sup> Eme irec Jesu Kristore erâ Abrahamte jambuñzi ñicne ñicne jañerao sâcne raocmu. Eme Mâro biñe qânârekicne ine mamasanighc erâ ronangmu.

## Miti merâfâc irec dâñ

<sup>15</sup> Âgofâc, no wiac omanao sâc hehuc mupe: Ŋic moczi hâmhuc merâfâc-ticne biñe qajareocmu, i moczi qâsuarâ fainao dâñ moc mi zuhuc-keocmu. <sup>16</sup> Eme miti merâfâc i Abraham â qâric-ticne biñe qajactekicne hâcne. Qâricfâc-ticne bocjaha jañere mi mukicne, mocjahare mukicne, Kristo hâcne. <sup>17</sup> No kecziñucte mukopac: Anutuzi mârâc jaha miti merâfâc irec bigedâñ muwec, ehame zâhecko jara 430 tarame sâcmutâc dâñ mufuawec, eme sâcmutâc dâñ zâhec mufuakicne izi wemocko bigedâñ mârâc mukicne qame wahaocmu. <sup>18</sup> Miti merâfâc i sâcmutâc dâñte erâ rorone eme muzac ine bigedâñte erâ rorone i arictac ezac. Anutuzi ine miti merâfâc i katucmâc-ticnere erâ Abraham biñe qacnewec.

## Sâcmutâc dâñ i fofo sananñ foocce mi mukicne

<sup>19</sup> Hâc, eme sâcmutâc dâñ wemocce mukicne? I qaqtarare mufuakicne, erâ fofo sananñ foocce mâcne, Abrahamte qâric bigedâñ rune fuame rârieocce mukicne. Sâcmutâc dâñ i añelo miczi mukicne â ñicwirec ere meo râekicne. <sup>20</sup> Ŋicwirec moczi ñic mocjahare mâcne, bocjaha jañere qâqâhâc domaocmu. Anutu eki ine mocjaha.

## Sâcmutâc dâñzi ñicmanñ mi heqâreocmu

<sup>21</sup> Eme sâcmutâc dâñzi Anuture bigedâñ âkehockeocmu me? Iguc aricne. Sâcmutâc dâñzi ñicmanñ mi heqâreocmu. I eene eme muzac, ine jâmbomac sâcmutâc dâñte erâ kinfâsâc ee i fuazac. <sup>22</sup> Ŋic mâmâc sasawa sâqocnere ningiñko juengopeneg, fuñne-nâñec iguc hâcne miti papiao mufuakicne. Eme irec hâcne Jesu Kristo manasiñkehuc mitihec erâ bigedâñte fârine ronangmu, i sawa fokac.

## Mârâc jaha ningiñko jukicne

<sup>23</sup> Judañic nâñâc mârâc jaha mamasanigh tâmiric juhapene sâcmutâc dâñzi kâpâcwârû bacnâpome nigîñko fokuhapene mâmanasiñte bigedâñzi fua tâcnewec. <sup>24</sup> Eme irec sâcmutâc dâñzi bâbâtiñ-nâñec erâ Kristorao râec-nâpowec, i mamasanighc erâ kinfâsâc enañte iguc ekicne.

## Jesurao sâc mocjaha efârekicne

<sup>25</sup> Nânc mamanasigte hata fuame i âtepene bâbâtigte ningij tâcnawec.  
<sup>26</sup> Eme nje Kristo Jesu manasingkengopienge zengoma Anuturê naru motecfâc embij jungopien. <sup>27</sup> Miti Opâ rua-garehuc Kristorao zuhuc-gopakicne nje mâmâc sasawa Kristozi nqi-nqic ehame hepie huwec.  
<sup>28</sup> Eme irec Judanj â Griknjic, fekicne â wahakicne, njic â njokac, bârâwijn juju i taramê nje mâmâc sasawa Kristo Jesurao sâc mocjaha embij.  
<sup>29</sup> Nje Kristore bijn embijzi Abrahamte qâricfâc fârine jungopien, erâ binedânge sâcno merâfâc-ticne bajunijmu.

## Wiac omanere kijnj qaqazi Anuturê naru motecfâc embenj

**4** Moc zinguc mupe mananij: Motec qiene moc e mamac hâmocnere merâfâc raucke-bipiehuc sifu kijnj motec hawari juocmu. <sup>2</sup> Ehame wawa rau â âgo tofazi merâfâc qâzuckerâ bacne juhapiê damenj mamaczi bawec i maickeocmu. <sup>3</sup> Nâncne sâc ijaha fokac. Mârâc jaha manzi qiene juhuc mârengte wiac omanere kijnj qajumbenij. <sup>4</sup> Eme zâhecko damenj bakicne i qosackeme Anutuzi Njokâ-ticne soreme njokackonec fuawec â sâcmutâc dânte kijnj qawec. <sup>5</sup> Ine nânc sâcmutâc dânte ningijnkonec goron-nâpome Anuturê naru motecfâc enangete injuc ewec. <sup>6</sup> Eme nje naru motecfâc-ticne engopienge Anutuzi Njokâ-ticnere Mâro manângecko soreme hurâ zinguc wirâ wâwâsic eekac: "O Mamac bianj." <sup>7</sup> Irece go kijnj qaqâ-ticne mâne, motec-ticne juekic. Erâ motec-ticne juhuc Anutu katucmâc-ticnere erâ merâfâc rune wâc juekic.

## Wiac fârimâc râpeckekicne i mocwâc mi maickezo

<sup>8</sup> Nje mârâc jaha Anuturê kâuc bahuc nemu, Wofunj fârine mi jujune, jânge kijnj qajare jumbenij. <sup>9</sup> Eme zâhec Anutuzi hone zânjitac enareme nje e wâc hone tarambij. Ehame wiace tâpiri tâmiric â fârimâc i wemocte mocwâc maickehuc kijnagne qangopien? <sup>10</sup> Ehuc hombanj fugne fugnere manapie fârine eme njengopien. <sup>11</sup> Gie-nanezi njogerao fârimâc ezacte mana mezac boc eekopac.

## Galata njic jânge Paulo râpeckezo embij

<sup>12</sup> Âgofâc-nane, no numu-garehuc mupe: No njogere sâc epore nje nore sâc enzepien. Nje zi juwarehuc wiace hehesicne moc mi enarembij. <sup>13</sup> Nje manangopien, no mârâcno huc zâic enarehame Bijnbianj gazapo. <sup>14</sup> Eme sahad dodoc mâretece enareme nje nore sifu tatakicne mi enarewec â mi mamakâc-nopawec. Aricne, nje honecnupie Anuturê anelo tinac epo, opon, Kristo Jesu tinac epe hefârecnumbij. <sup>15</sup> Joi, damenj ira mu zeri embij i wenijucte omaekac? Nje zânge hândân-nqic unuckerâ no nanarene fome muzac enzapij, i jâmbomac manahuc mukopac. <sup>16</sup> Eme damenj

3:25 Rom 10:4 3:26 Joh 1:12; Rom 8:17 3:27 Rom 6:3; 13:14 3:28 Rom 10:12;  
 Kor I, 12:13 3:29 Rom 9:7 4:3 Gal 3:23; 5:1; Kol 2:20 4:4 Efe 1:10 4:5 Gal 3:13, 26  
 4:6 Rom 8:15 4:7 Gal 3:29; Rom 8:16, 17 4:10 Rom 14:5; Kol 2:16 4:11 Joh II, 1:8  
 4:12 Kor II, 2:5 4:13 Apo 16:6; Kor I, 2:3 4:14 Apo 14:11, 12 4:16 Amo 5:10

zīguczia dāŋ fārine ŋazape honecnupie rāsi-ŋeŋic ekopac me? <sup>17</sup> Ŋic gācnezi ŋogere harac baengopieŋ i āke rāwiŋ-nāpopie ŋoge jaŋere harac eniŋte manasuhuc eengopieŋ. Ine hācne sioc ehuc ŋogere harac baengopieŋ. <sup>18</sup> Wiac biāgnere erā harac ee i biāgne. Ine ŋogerao fārā juhape sawa mācne, damen sác epie biāŋkeocmu. <sup>19</sup> Naru motecfāc-nane, no ŋogere erā gozi kicnuha zāic manapo, ijaha harierā manakopac, erā Kristore hawari ŋogerao fua tātneocte zāic i mana rahuc jupemu. <sup>20</sup> No ŋogere mana guruc boc ekopacte ŋogerao biac fārā dāŋ mu hetikic ehuc ŋazazore enarekac.

### Sara ere ŋokā ā Hagare ŋokā jahe fuŋne-jekic bārāwiŋ

<sup>21</sup> Wio-ŋarepe nazaniŋ, sácmutāc dāŋte kiŋaŋ qazo muengopieŋzi irec papia wose manac mi eengopieŋ me? <sup>22</sup> Ira hācne zīguc qāreŋkekicne: Abrahamte ŋokā jajahec fuapic, moc i kiŋaŋ naruzi rowec ā moc i ŋonāŋzi rowec. <sup>23</sup> Eme kiŋaŋ naruzi rowec e omanao fuawec, ā ŋonāŋzi rowec e Anutire biŋedāŋte sācko fuawec. <sup>24</sup> Eme dāŋ irec ŋifecne zīguc fokac: Ŋokac jahe mitire zāzāfic jajahec irec sāsācne epic. Zāzāfic moc Sinai tikio ekicne, ere kikefuŋzi ine kiŋaŋ qaqa embiŋ, eme irec sāsācne Hagazi ewec. <sup>25</sup> Haga i Sinai tiki, Arabia māreŋko ŋekac, irec zāŋe moc. Ā Jerusalem hae i Sinai tikihec sácjekic mocjaha ekopirec, ere kikefuŋ jaŋe kiŋaŋ qaqa jaha wāc engopieŋ hācne. <sup>26</sup> Ā Jerusalem hae faic ŋekac izi Sara ere sác, hae izi hācne neŋgoc jāmbāŋ-nāŋec ekac. <sup>27</sup> Dāŋqāreŋ zīguc hācne fokac:

“Ŋokac hufiŋne, motec mi roro go bubiaŋ manazemec,  
gozi mi kicguekac go zeri ehuc kiwaezemec.

Ŋokac ŋichec e qāric afecne fuacnehapie

me sawanezi naru motec bocjaha rocjopaocmu.”

<sup>28</sup> Āgofāc-nane, ŋoge Isakare sác erā biŋedāŋte fuambiŋ. <sup>29</sup> Eme mārāc jaha motec omanao fuakicnezi Mārore dāŋte fuakicne e rāsi ecnewec, sác ijaha miŋecgac fokac. <sup>30</sup> Eme miti papiao dāŋ weniguc fokac? “Kiŋaŋ naru e ŋokā-ticnehec jāpec-jofatec ranic, kiŋaŋ narure ŋokāzi ŋonāŋte ŋokāhec merāfāc mi rauckezejec.” <sup>31</sup> Āgofāc-nane, nāŋāc kiŋaŋ narure qārifāc aricne, nāŋāc ŋonāŋte qāricfāc.

### Firuec-nāpokicnezi ningiŋko mocwāc mi fezo

**5** Ningiŋ tāmirc junāŋte Kristozi goron-nāpowec. Irec gācnezi ningiŋko rāec-ŋoparā kiŋaŋ qaqa eniŋte muŋareple qikiŋnenzepieŋ. <sup>2</sup> No Paulozi ŋazape mananiŋ, ŋoge sahač-ŋeŋicko ma bapie Kristozi ŋogerao wiac omane tinac eocmu. <sup>3</sup> Mocwāc harierā ŋaza-jāmbāŋkepe, moc e sahač-ticnao ma baocmuzi sácmutāc dāŋ gācne sāko māmāc hāpo-fāreme sāckeocmu. <sup>4</sup> Sácmutāc dāŋ reŋkehuc kiŋfāsāc ezo muengopieŋ ŋoge Kristohec zāzāfic embiŋ i tātnekac ā aki anonoczi ŋogerao fārimāc ekac. <sup>5</sup> Nāŋe ine Mārorao ŋesignehuc mamasasiŋte erā kiŋfāsāc ee bāfuanāŋte irec mamanac juengopeneŋ. <sup>6</sup> Kristo Jesurao fisirā mahec juju ā ma tāmirc juju irec māmāc jaha fārimāc muzo, mamasasiŋte qāreŋ maŋko fuame irec mocjaha fārine muzo.

4:17 Gal 1:7 4:19 Kor I, 4:15 4:21 Gal 3:23 4:22 Fuf 16:15; 21:2, 9 4:23 Rom 9:7-9; Fuf 17:16  
4:24 Gal 5:1; Rom 8:15 4:26 Heb 12:22 4:27 Jes 54:1 4:29 Fuf 21:9 4:30 Fuf 21:10, 12;  
Joh 8:35 4:31 Gal 3:29 5:1 Gal 4:5, 31; Apo 15:10 5:2 Kor II, 10:1 5:6 Gal 6:15;  
Kor I, 7:19

## Mumusifuc ɲic jaɲere hâhâtâzi mitire sicko mi huzejec

<sup>7</sup> Ɔɲe mitire hata sâcne funkerâ âtembiɲ. Âtehapie mozi aka heɲareme dâɲ fâri qizecne râpeckenɲopien? <sup>8</sup> Hefârec-ɲopawec eki irec esoc qafen mi eɲarekac. <sup>9</sup> Qowi hâhâtâcne pitic singaɲ gaucnezi nânâ sicko hurâ mâmâc sâcne-fâreocmu. <sup>10</sup> Erâ ɲeɲe nore dâɲ mi qikiɲneniɲmu, i Wofunte erâ manabâc tâmiric mukopac. Â ɲic izi me izi maɲ bâsifuc eɲareocmu, e kiɲ irec okacne fisicneocmu. <sup>11</sup> Âgofâc, no ine mahec eniɲte ɲic jazazapo muzac, wemocko fific guguriɲ moc enarenzapiɲ? Iɲuc jazazapoo mariponɲe mamana gâpâre i mâmâc omaezac. <sup>12</sup> Maɲqaqa eɲareengopien ɲic iɲucnezi sahaɲ-jɲic hetâc qâtâcnenzapiɲ me!

## Ningiɲ tâmiric juhuc wiac kosa mi ezo

<sup>13</sup> Âgofâc-nane, ɲeɲe ningiɲ tâmiric juniɲte hefârec-ɲopakicne, erâ ningiɲ tâmiric jujuzi âki eha sahacte dâɲ reɲkeniɲte mâcne, maɲjaunɲko kiɲaɲ qaɲac eniɲte irec hefârec-ɲopakicne. <sup>14</sup> Ireɲ hâcne sâcmutâc dâɲte qâqâhâc ziɲuc mukicne: "Gahacnere eɲareekac, sâc iɲaha âgogere eɲarezeɲec." <sup>15</sup> Ɔɲe ine miczi nânâc ehuc kikic qaɲac boc erâ oomaec enziɲiɲte uɲ ɲazakopac.

## Kosa juɲure fârine â Mârore fârine

<sup>16</sup> Erâ ine ziɲuc mukopac: Ɔɲe Mârore tâpiro singerâ junzeɲien, iɲuc ehuc maɲraɲqare sasac gie mi baniɲmu. <sup>17</sup> Maɲraɲqare aɲaczi hâcne Mâro kisueekac â Mârozi maɲraɲqa kisueekac, eme jahe hâcne rârâsi eɲire ɲeɲe wiac ezo muengopien i sâcne mi afeckerâ eengopien. <sup>18</sup> Mârozi jowa baafec eɲareme ine sâcmutâc dâɲzi ɲicbomboɲ mi eɲareocmu. <sup>19</sup> Maɲraɲqare gie i soɲsoɲko mi foekac, i ziɲuc fuaekac: Boe sau, mamakâc, nâ areɲ, <sup>20</sup> nemu araɲ babajare, hafec qanɲec, rârâsi, sosopec, iɲguuɲ, kimbeɲ, hehefariɲ, fâfâuc, rârâwiɲ, <sup>21</sup> mu kêroɲ, opâ momori me bec qowi âmbâɲ nânâ, erâ wiac gâcne. Wiac iɲucnere mârâc jaha ɲazapo erâ zi mocwâc ɲazape: Sâqocne i baniɲmuzi Anuture uucmaɲko mi raziniɲmu. <sup>22</sup> Mârore fârine ine kecziɲuc fuaekac: Maɲjaun, bubiaɲ, wama, bumâteɲ, buafec, buuruc, ââgo sanaɲ, <sup>23</sup> ruaine, maɲzi sowa juju. Mârore fârine hâcne irec aka mi fokac. <sup>24</sup> Kristo Jesure biɲe juengopien jaɲe juju raɲqa-jɲic sasac â sâqocnere andachec i mariponɲko qapie omaewec. <sup>25</sup> Mârore tâpiɲre juengopenenɲko Mârore hata jaha âtenzepeneɲ. <sup>26</sup> Sahaczi fecko fec ehuc hehesuac mi enzepeneɲ, erâ wâc iɲguuɲ mi eec enzepeneɲ.

## Dodopec â babafic ezo

**6** Âgofâc-nane, ɲic moczi dockerâ bahac bâfuame ɲeɲe Mâroheczi bumâteɲ erâ iɲucne mu bâtiɲ ecnenzeɲien. Ehuc go gahac eesâicko pâràckeziɲte rucɲe bazemec. <sup>2</sup> Wiac kihuhun-ɲopaekac i nowac gowacron

5:8 Gal 1:6 5:9 Kor I, 5:6 5:10 Gal 1:7; Kor II, 11:15 5:11 Kor I, 1:23 5:12 Mi Mâ 12:3  
 5:13 Pet I, 2:16 5:14 Tah 19:18 5:17 Rom 7:15, 23; Jak 4:5; Pet I, 2:11 5:18 Rom 8:14  
 5:19 Kor I, 6:9, 10 5:21 Efe 5:5; Bar 22:15 5:22 Efe 5:9 5:23 Tim I, 1:9 5:24 Rom 6:6;  
 Kol 3:5; Pet I, 2:11 5:25 Rom 8:4 5:26 Fil 2:3 6:1 Mat 18:15; Jak 5:19

ehuc babaficko banzepieņ. Iņuc ehuc Kristore sâcmutâc dâņ sâcne reņķe-niņmu. <sup>3</sup>Ņic moc e wiac fârīne moc mi ehuc e jahacnere maname fefene eocmu, iņucnezi maņticne fagac ecnekac muzo. <sup>4</sup>Irec moc e jahacne juju bapa hone zâņitac ezejec. Eme zeridâņ i e jahacnere erâ fuaocmu erâ fuaocmu, ņic mocte erâ mâcne. <sup>5</sup>Giere ņemâc kâdoc qakicne i ru sâc areckezo. <sup>6</sup>Miti gaza qazuc eengopieņ ņic i jaņe wiac fuņne fuņne boki bahuc jare gumec enzepieņ.

### Juku ee bapa-nâņecte fârīne ronāņmu

<sup>7</sup>Anutu mu qâtimbuc ecnepie mâc foocmu, iņuc moc mupie. I aricne jâmbâņ, ņic moc gie baocmu e irec fârīne juku iļaha roocmu. <sup>8</sup>Moc e maņraņqare gie baocmu, e juku maņraņqa-ticnere fârīne sisipiric bâfuaocmu, â moc e Mârore gie baocmu, e juku Mârore fârīne juju sanaņ bâfuaocmu. <sup>9</sup>Wiac blaņne i rorokac tâmiric enzepeņeņ, eme mi betaņkenaņmuo juku damaņ-ticnao mâriri bâfuaņamu. <sup>10</sup>Irec damaņ-nâņec fohame ņic sasawa ehâmo-jarenzepeņeņ. Ehuc mitio âgofâc-nâņec wiac bafehuc ejarenzepeņeņ.

### Sawaņ â jambuņdâņ

<sup>11</sup>Ņoņe qâreņ sâko zi honeniņ, no nahacne mezi qâreņķe-ņarekopac. <sup>12</sup>Ņic gâcne jaņe sahaczi miti hawari blaņ erâ ņoņe sahacko mahec eniņte fotarie-ņareengopieņ jaņe Kristo maripoņ-ticnere erâ fific guguriņ faļo fenzipiņte iņuc hâcne eengopieņ. <sup>13</sup>Sahacko mahec embiņ ņic i jaņe jaņac wâc sâcmutâc dâņ mi reņķeengopieņ. Jaņe mâc ņoņe mahec erâ jaņerao zuhuckepie sahac-jeņic mutenkeniņte manasuengopieņ. <sup>14</sup>No ine wiac irec mi irec mâcne, Wofuņ-nâņec Jesu Kristo maripoņ-ticnere biņedâņ irec mocjaha mumuteņ bajuekopac. Ere erâ mâreņķonec wiaczi maripoņko hâmo-narewec, â no iņuc jaha maripoņko mâreņķonec wiac hâmocnepo. <sup>15</sup>Sahacko mahec juju me ma tâmiric juju izi fârīne aricne, juju qâricne izi mocjaha fârīne ekac. <sup>16</sup>Gaņ ruķec ira hâcne domaengopieņ sâc ņoņerao wama â buuruc fotâcnerâ fozejec, erâ Anuture Israe ņic jaņerao mâmâc. <sup>17</sup>Ņi moczi moc neneņ gie mocwâc mi narezejec. No Wofuņ Jesure râfu qâreņ sahac-naneo fome bajuekopac. <sup>18</sup>Âgofâc-nane, Wofuņ-nâņec Jesu Kristore aki anonoczi maņģeņicko fozejec. Jâmbomac.